

陝西葭縣縣志卷二

地
170.89
42
12



民國二十二年

陝西葭縣縣志

陳瑄

人物志

勇畧

張興元字鼎三本城人同治二年由武童投入多將軍營奮勇當先時陝甘回匪猖獗佔據陝西高陵縣及先秦廟馬家堡白起營等處十三村公於是年七八九月隨隊攻克之復戰於西安梁家橋一帶大獲全勝三年攻克甘肅張家川鹽關及高樓堡等處回巢四年攻克固原熟陽城董家堡等處解鞏昌府圍五年解鎮番縣圍收復裴家營堡疏通西路六年攻克米拉溝等處賊巢七年破洮河東西賊匪並平陳馬二回庄以戰功屢遷至副將並獎給花翎八年管帶開字右營會剿狄道州回匪出力賞加總兵銜從軍十餘年多著勞績

葭縣志

卷二人物

榆林東順齋石印

不避艱難與士卒同甘苦故兵皆用命賊聞破膽七八年間克復城邑數十處其忠誠勇敢皆由天性而來然身在軍中猶以親老為念陝甘肅清後即告歸終養家居數十年鄉里咸稱孝友噫求忠臣於孝子之門信不誣矣

孝子

張玉瑞與妻李氏事父至孝父年八十病癱且痴夫婦色養不衰常泄牀褥冀除不怠凡五年父歿葬祭盡禮夫婦俱精神矍鑠各享大年人以為孝親之報未旌任奎少失怙獨與母居適家貧篋行傭供母雖遇凶荒奉養不缺終身孺慕鄉里稱之未旌



高能上為農家子常隨其父負耒田中輕任併重任分啜菽飲水必先奉其父母而後食之嗣後母亡盡哀父繼娶能上事繼母如其母順父之意也休哉服勞奉養先意承志能上有焉未旌

高射斗事親至孝晨昏定省奉養無缺鄉人稱之恭贈匾額曰孝行克敦未旌

陳國賢極力事親晨昏罔懈人無間言恭贈匾額曰永言孝思未旌

高鵬事母至孝家甚貧得食以供母無少缺母病起居便溺皆需人鵬朝夕侍奉積久不衰母歿盡哀十餘年後每與人道及輒流涕鄉人稱之至今無間言未旌

任永義事母至孝家貧傭工得價以奉母光緒三年歲大饑與妻不能相顧聽其去幃猶竭力以養母以備甘旨未旌

元

葭縣志

卷二人物

二

榆東順齋石印

員從政累世同居見續文獻通考

高如玉歲貢舊志畧其事實今依通志補入親疾傾產以事醫葯居喪幾至滅性伯父某年邁無子宦遊不歸如玉具貲迎養及歿營葬如禮弟早夭遺孤方幼撫之如己子州南譚家坪地濱河最稱沃衍河身適當窪下不能種地乃捐金集眾鑿石引流以資灌溉州牧孫毓奇等重其行義聘主義學如玉以師道自任生徒蔚起雍正九年旌表

李在淑生員舊志畧其事實今依通志補載幼孤事母至孝母歿哀

思尤甚終身不忘家初赤貧及壯生業稍豐戚屬婚喪有不能自贍者必傾貲周恤凡子若琮卒官一姊一妹俱貧寡在淑撫諸甥姪不使失所嘗刻朱子家訓及經驗良方等書行世語人曰此先慈遺命也其善則歸親類此雍正九年旌表

任士傑字魁英任士偉字超儒兄弟俱前明生員有文行素以孝稱國初順治己丑王永強叛吳三桂討之賊恃險據城州人逐之弗去後吳三桂攻城月餘不下怒甚及城陷乃縱兵擄殺玉石俱焚兄弟以父年老知不免誓以身殉其父揮之不去兵臨偉謂傑曰事急矣吾為其易以殉父難兄憑武畧盍為其難以存宗祀傑曰吾奚忍棄父而偷生也寧同死弗獨生迨兵入室父面中一鎗而亡弟繼之傑

葭縣志

卷二人物

三

榆東順齋石印

乃巷戰奪路而去遇家僕御所畜駿馬以從期與東渡至河岸痛父之歿投於河時稱二難雙孝云

張殿元貢生樂善好施常購材木捨作葭蘆河每秋冬造橋之用遇凶年賑饑卹貧畧無德色在鄉黨言論公直大有古風

節婦

武進士魏長青之妻賀氏與為後孫婦高曾孫婦強皆青年守節高卒強事氏不衰沈學使獎重光累徽匾額年五十有五見七世孫庠生張岱宗之妻馬氏事孀姑以孝聞建節孝可風坊

庠生高化鵬之妻韓氏夫亡子幼縫紉自給光緒三十年奉文旌表獎貞節可風匾額

附生任至剛之妻李氏夫亡無出以猶子承嗣撫愛如親生光緒二十六年奉文旌表

民人張鎡堂之妻武氏夫亡守節終身撫孤成立學使獎貞節可風
匾額

民人任兆瑞之妻韓氏夫死家貧遺孤尚幼氏矢志不嫁撫子成立學使慕賞柏舟遺範匾額

民人劉榮光之妻張氏青年孀居堅貞自矢柯學使獎賞節孝可風
匾額

民人曹步枝之妻郭氏夫亡守節終身撫孤光緒初年奉文獎苦節可風匾額

葭縣志

卷二人物

四

榆東順齋石印

民人張月明之妻喬氏終身困苦貧不改節葉學使獎賞節苦心貞
匾額

廩生劉真之妻馬氏節比冰霜心同松柏年七十而卒未旌

民人任永樂之妻李氏即任奎母也家貧守節日不一飽享年七十有六而卒未旌

增生閻佐清之妻馬氏青年孀居教子成名享年七十餘歲而終未
旌

民人張建煌之妻張氏夫歿氏年三十二歲家貧子幼守節四十餘
年未旌

民人張堯年之妻申氏廿年寡居矢志堅貞忍饑寒撫孤子孤又少

亡撫孫成立年八十而亡未旌

民人張殿元之妻章氏年十八而寡孝事孀姑慈待寡媳撫子亡後撫孫成立年近八旬而逝未旌

民人杜如玉之妻賀氏年十九而寡孝事翁姑苦志守節遺腹生一子撫養成立遊歷新疆數年始歸氏復為娶妻成室教養有方未旌
民人張兆起之妻章氏有孕夫亡其翁七十六家五月生子矢志守節撫孤子事翁姑克勤克儉村人共議請旌立碑未果

劉榮盛之妻張氏未旌

賀白支之妻王氏未旌

張壽彭之妻曹氏未旌

葭縣志

卷二人物

五

榆林東順齋石印

賀懷春之妻劉氏未旌

張保成之妻馬氏未旌

生員張諫之妻魏氏十八年守節七十三歲而亡光緒十六年蒙學使柯獎以苦節可貞匾額

庠生苗思邨之妻高氏夫亡無子姑又逝散其環瑱并服飾以與小姑尋自盡家人知之已不及救視死如歸賢而且烈未旌

庠生陳世昌之妻呂氏年十七歲有風格能治家同治六年回匪犯境避亂寨中賊破寨門氏恐守辱奪門而出投崖以死未旌

婦某氏逸其姓天家喬家公灘性剛直美姿容同治七年回匪犯境賊人逼而戲之婦大罵不絕賊又就而問曰汝從我可免死婦叱其

類賊殺之未旌

人民劉生有之妻李氏夫亡撫孤成立閭里稱頌迄今年逾古稀精神尚健已旌

人民劉順達之妻任氏劉懷德之妻張氏均青年喪夫苦志守節姑媳相依為命萃於一門誠足為閨壺之範焉已旌

人瑞

民人張萬善之母張氏年九十有八精神康健治家有條談述往事甚詳晚近之世年登期頤者實所罕聞未旌

隱逸

剪頭仙人萬曆中葭州山中有剪頭仙人日飲淨水三甌以水療疾開府鄭汝璧

葭縣志

卷二人物

六

榆林東順齋石印

大帥李如璋請至榆林求其為民治疾給水與人無不隨愈暢談古今論及宋時武穆冤死仙輒大哭問其姓曰姓周晝夜令百餘人環侍之忽不知其從何而去撫帥求之不得望空遙禮空中墜名帖二紙書周三畏并謝五字乃知剪頭仙人即宋大理卿周三畏不肯勘問岳武穆獄掛冠而去者也

古蹟志 舊志未列者今新增補

小香爐峯在城南二里許虎頭峯上今已頽圯而形跡依稀尚在前人題詠甚多

雲岩寺建自宋宣和四年其中神像佛室皆鑿石為之上接虎頭峯下臨黃河風景之佳冠於一縣但所有碑碣模糊不能辨認同治三年居民披荆葺之於土中得古錢一廓輪徑寸有文在其背曰為種蟠桃樹千年一顆生是誰來竊去惟問董變成其一面鑄變成之像古代物也見重修碑記內

紀事志

德音

早災蠲免詔 清光緒二十六年十月十四日

本年陝西天時亢旱成災收成大半失收災區甚廣現雖得有雪降
二麥已不及播種糧價昂貴異常小民流離轉徙困苦情形殊堪憫
惻前經降旨於本月初一日提前開辦粥廠惟被災各屬饑民衆多
待賑孔急加恩着發銀四十萬兩由行在戶部發給交岑春煊妥為
賑濟該撫務當督飭藩司遠派幹廉印委各員並公正紳董查明災
區輕重妥議章程核實散放總須實惠均霑不得假手胥吏致滋弊
端用副朝廷軫念災黎有加無已之至意該部知道欽此

是年豁免
民欠糧

葭縣志

卷二 紀事

八

榆林東順齋石印

二百九十四石一斗六升一勺
奉撥賑銀四千七百兩

奏請豁免廣有倉舊欠糧草摺 清光緒二十九年

陝西
巡撫 升 允

奏為北山廣有倉舊欠糧草無力完納開單懇恩豁免恭摺仰祈聖
鑒事竊查陝西榆林府廣有倉每年應徵本色糧草前因起徵較遲
奏請緩至次年八月底截數九月專案奏銷歷經遵辦在案北山各
屬地方向稱瘠苦應徵糧草每多蒂欠前請豁免光緒二十六年舊
欠錢糧案內聲明該倉未完糧草俟奏銷截數後查明民欠確數再
行請豁茲查該倉二十七年並帶徵二十六年本色糧草奏銷業已
造冊奏咨計榆林葭州綏德米脂清澗吳堡等六州縣光緒二十六
年分荒熟並算共計未完廣有倉本色糧六千六百九十五石八斗

五升二合八勺未完本色草一千九百一十七束三觔十五兩六分
委係實欠在民無力完納據布政使夏時援案造冊具詳前來奴才
覆核無異仰懇天恩俯念北山民情困苦准將光緒二十六年未完
廣有倉糧草一併豁免以紓民力而廣皇仁除清冊咨部外謹會同
陝甘總督臣崧繕呈清單恭摺具陳伏乞聖鑒訓示謹奏
是年豁免
陝民欠糧
二百九十四石
一斗六升一勺

賑卹電災令 民國二年

陝西民政長 高增爵

為令飭事案奉

大總統令據陝西都督兼民政長張鳳翽電稱陝省去冬雨雪愆期
北山一帶被災甚重本年秋間陰雨連綿四十餘日之久白河商縣

葭縣志

卷二 紀事

九

榆林東順齋石印

涇陽平利長安臨潼華縣潼關商南藍屋鄠縣洋縣咸寧城固佛坪
淳化等處田禾多被淹沒房舍傾圮無算淹斃人口牲畜又乾縣安
康洵陽郿縣中部延川宜川米脂葭縣等處冰雹為災損傷田禾查
勘屬實請予撥款賑濟等語該省連年水旱災害荐臻人民蕩析離
舍深堪憫惻應由財政部迅即籌撥銀三萬元匯交該民政長遴選
委員會同各該縣知事將賑撫事宜妥速籌辦務使實惠均沾毋任
災黎失所此令等因奉此除派駐京代表赴部請領賑款外查陝省
本年秋災甚重區域太廣遍野災黎嗷嗷待哺若俟部款匯到再行
分發散放實有迫不及待之勢茲由本民政長按照該縣所報災情
輕重酌定應撥撫卹銀數仰該知事遵照先在於徵存應解地方稅

款內措撥銀三百元會同地方正紳趕速查明被災各區極次貧戶口核實散放務使實惠均沾毋任災黎失所如徵存稅款不敷撥支先就地籌借銀兩賑卹一俟稅款收有成數即行歸墊一面將散賑手續方法詳晰呈報並將花名及領過銀數造冊覈核事關賑卹要政務須妥慎將事毋使胥役從中舞弊至動用地方稅款事竣分款折合庫平銀兩備具文批作解切切毋違此令

免加榆林道屬錢糧飭

民國四年

陝西巡按使呂調元

為飭行事案准財政部咨開為咨覆事准貴使咨陳據財政廳程文葆詳稱陝西田賦附加二成奉文自本年下忙為始已由廳擬具辦法通令各屬遵照在案正督催飭辦間迭據榆林道屬各縣知事紛

葭縣志

卷二紀事

十

榆林東順齋石印

紛請免前來竊查該縣等地居邊僻厥田下下彌望平沙直少可耕之田豐稔之年歲僅一熟倘遇偏災生計頓絕加以兵燹之後元氣未復市井蕭條閭閻疾苦以視山外平原其優瘠相懸有不可以道里計者前明末造流寇半起於北山良以地瘠民貧風氣强悍一旦失業者眾則挺而走險得不償失是以前清庚子賠款每地丁一兩普加四錢惟延榆廊綏二十三州縣以錢糧無多又有前車之鑒獨未加徵今則地方貧瘠較前尤甚如於正供之外驟加二成民力實有未逮擬請援照庚子成案將榆林道屬各縣概予免加以紓民困詳請轉呈等情據此本巡按使覆加查核該道各屬荒寒饒薄歲等不毛合計二十三縣額徵糧賦僅四萬九千餘兩不及全省正額三

十分之一即今照加二成歲增不過九千餘兩如蒙寬免在公家所減無多在民間如釋重負所有完納正賦經徵新稅自必益深感激踴躍輸將似於國計民生兩有裨益理合咨呈查核並希見覆等因到部查該省榆林道屬二十三縣地居邊僻厥田下下加以兵燹之後市井蕭條較昔尤甚如於正供之外再加附稅二成民力實有未逮應照貴使所請概予免加以示體恤其餘各縣不得援以為例仍將二十三縣應徵正賦新稅飭令分別徵收解部備用茲准前因相應咨覆貴使查照轉飭遵辦可也等因准此除分行外合亟飭行該縣仰即遵照辦理為要此飭

兵事

葭縣志

卷二紀事

十一

榆林東順齋石印

宋

太宗雍熙二年二月李繼遷攻銀州誘殺都巡檢曹光實于葭蘆川遂據銀州命李繼隆田仁朗王侁率兵擊之出銀州北破悉利諸族又出開光谷西杏子坪破保寺保未族銀麟等州諸蕃內附
真宗咸平元年趙保吉寇麟州萬戶峪進至松花岩折惟昌與從叔海超弟惟信率兵赴戰保吉兵眾不敵海超惟信死焉
神宗熙寧三年夏人寇環慶河東將折克行以兵三千護餉道戰於葭蘆川破之太原孫覽議城葭蘆諸將多不合召克行問策即頓兵吐渾河約勒部伍為深入狀敵終不敢動
四年种諤謀取橫山先城羅兀分遣都監趙璞燕達繁撫寧故城及

荒堆三泉吐渾川開光嶺葭蘆川四寨已而夏人來攻新築諸堡悉陷將士沒者千餘人元豐四年折可適從种諤於米脂之役戰夏人於三角嶺得級甚多

六年三月河東將薛義敗夏人於葭蘆西嶺高永翼又敗夏人於直鄉流部

八年春三月夏人寇葭蘆供奉王英戰死

宋自熙寧用兵以來凡得葭蘆吳堡義合米脂浮圖塞門六堡而靈州永樂之役官軍熟羌義保死者六十萬人錢粟銀絹以鉅萬萬計帝臨朝痛悼而夏人亦困斃矣

哲宗元祐五年三月夏人來歸永樂所獲吏士四百十九人詔以米脂葭蘆浮圖安疆四寨與之

葭縣志

卷二紀事

十二

榆林東順齋石印

欽宗靖康二年與夏人約和聶昌以便宜割河西麟府三州隸夏人知晉寧軍徐徽言率兵復取三州

高宗建炎二年十一月金人攻晉寧軍守臣徐徽言堅壁拒守三年二月陷晉寧軍徐徽言及太原路兵馬都監孫昂死之

全

衛紹王大安二年八月夏人侵葭州慶山奴擊敗之

崇慶元年三月夏人攻葭州完顏奴婢禦之

宣宗興定二年五月夏人寇葭州廊延右都監慶山奴敗之於馬吉峯

三年三月夏人破葭州之通秦寨刺史紇石烈王家奴戰死遂據通

秦寨提控納合買住擊敗之自葭蘆川遯去

五年十月蒙古木華黎由東勝州渡河南侵葭州城陷金將王公佐
道命石天應權行臺守葭州十二月辛卯官軍復葭州

明

憲宗成化六年七月甲辰總兵房能敗阿羅出於開荒川 按朱永
傳六年阿羅出寇延綏將軍朱永偕王越劉聚等擊敗之寇萬騎自雙山
堡分五道至戰於開荒川寇少却乘勢馳之盡棄輜重走

武宗正德十四年武宗西巡命鄭賜督餉于邊值葭州盜起猖獗賜
督兵討平之

世宗嘉靖三十二年三月吉能犯延安綏德高家堡殺副總兵李梅

葭縣志

卷二紀事

十三

榆林東順齋石印

七月俺達犯浮圖峪遊擊陳鳳朱玉禦之

三十四年十月吉能犯建安柳樹會葭州至府谷參將楊璘死之

四十年十一月套酋犯榆林南下攻背千川大牆至米脂守備謝世
勦戰死

神宗萬歷四十四年七月河套部長吉能犯高家堡參將王國興敗
歿

莊烈帝崇禎四年十二月甘泉賊不沾泥陷葭州兵備僉事郭景嵩
死之 是年姦民任可學勾結流寇申在庭馬丙貴叛據葭之荷葉
坪榆林兵備參議樊一衡等追斬之於關溝

清

世祖順治六年平德從王永強叛據葭州平西王吳三桂討之平德奔渡黃河追斬之康熙十三年周濟民依叛臣王輔臣朱綸作亂據葭州官兵擊之走追斬之於塞外

穆宗同治六年三月回匪竄入本境至八年八月亂平蔓延兩載所至殺傷焚掠過甚村落之較大者尤數被其蹂躪隸螞蚙峪之開化寺曾作戰場官軍勝捷賊衆死傷無數惟廕生劉琳經元謝鴻訓團長馬虔修各率丁壯共數百人皆以擊賊死難未與卹典徒增吊古者之傷惻而治城獨屹然無恙非小而不可屠也一恃天然之險一恃防守之嚴知州何福奎與紳耆韓垠昆仲劉雲從屈鈺等出力練團設法捍禦城防之周密與地勢之險固亦賊之所膽寒者也是以得

葭縣志

卷二紀事

十四

榆東順齋石印

萬全而無害耳

民國二年春縣西七十里秦馬家塢村妖人張會元者如陳涉故事據廟奉神名其神為金泉大王以邪術煽誘鄉民聚練神團仇視新政剪髮及一切天主耶穌教堂教士為潛謀不軌之舉附近愚氓入其黨者儔類頗多香火佈施亦日益加廣秘密約期舉事先數日有榆紳魏志魏嘉績叔姪二人往探將以察其情形而謀解散之術不料竟被該匪追殺當時又有天主堂教士魏象闕隨帶教友黃某自葭赴橫山道經該村亦被截殺魏教士斷其一臂而死黃教友一同遇害勢已燎原長官尚未知覺葭人恐結怨而不報適有海會寺僧入賀覺人素有膽氣聞變星夜赴榆觀察使署直告派來巡防隊及

新兵百餘名擊斃匪党四十餘人餘匪紛然逃竄如鳥獸散匪首張會元漏網是役也幸而巡防管帶申應勛新軍管帶楊瑞亭皆陝北人故只殲厥渠魁脅從罔治不然覆巢之下寧有完卵教案交涉輻輳數載至四年以榆林舊左營署賠抵其案始結

葭縣土瘠民貧士風固陋科舉時代士多不專力於詩書兼營貿易或務農業興辦學校以來老生宿儒多反對新學求學者頗少始則學齡兒童入學者不及十之二三農業勤苦地多磽瘠所收畝三斗輒稱豐年又以交通不便商務尤不發達賈人囿於一方之見不知世界商業之競爭故坐賈多而行商少從無遠出貿易者工拙不善營造拘守舊規絕無新奇之理想與技術大抵民風質樸安於舊習鮮具外界之知識營業以農居多農約十分之七士工商約十分之三婦女專學女工北鄉一帶亦有隨夫耕種者惜穿尖履作事不便近來縉紳之家婦女多改為天足官府又嚴行督放而平民遂多仿

者食以小米為常品宴客八簋即稱盛饌衣多疏布士夫之家鮮穿文繡其他剪髮而衣時式者惟官紳胥吏中居大多數氣候多寒居房室者甚少城鄉之民砌石為窰亦有穿土作穴蓋猶古陶復陶穴之遺制也民俗迷信鬼神感於巫覡許愿祈福習以為常昔時專信佛道近年設有耶穌天主等教堂信奉者甚夥

立春日以繒縫作鷄形著於小兒頭上曰春鷄又携小兒過牛腹下以祝長大元旦祭外神先祖後感服詣親鄰門曰拜年是日早飯以以麩包羊肉蘿蔔菜名之曰餠食蓋取肉麩菜一齊香之義也六日將昏輒扃戶室必生火云避鬼神十日稱鼠嫁女此夜滅燈早寢恐驚之元宵張燈火放花炮具酒肉歌聲四徹與他處畧同惟有持香

愿者無論男女於是早燃香盈把由南城極南始行至北城隍廟焚香紙邀神貺約數百人謂之拜街是夜鄉民扮雜劇唱春詞曰唱陽歌新嫁女者是夜請女歸寧謂之躲燈清明節男女祭掃而外多鋪五色紙錢於墳墓名曰百紙蓋令人知有子姓也新葬者三年內戚屬餽祭品奠墓謂之新墳舊葬者封紙錢相贈不赴墓謂之送封包用黍米入稷中造為黃堅雜蔬菜冷食之謂之寒食又用麥麩蒸為多燕形以娛兒童或於紙為戲鞦韆數日而罷天中日早起飯雄黃酒佩雄黃小囊與艾葉五色絲是日食角黍天貺平明携淨水洒奠祖塋謂之澆墓七月七日兒女以金鍼漂水盆中視影之妍媸以驗巧拙名曰乞巧中元節晨起農家向禾之長茂者懸紙幡於其上

名曰掛田蔓中秋先期以月餅相餽送與他處同十月朔用五色紙送祖塋焚之名送寒衣歿後未過三年者須剪作衣服形冬至前夕飯酒食肉啖羊首謂之熬冬腊日以黍作粥謂之餼飯令兒童先食之為來歲穰禾先熟之徵又前一夕以五谷種入梁葉筒內束其兩端置水缸中晨起取各種驗之何種生芽為來歲豐收之兆二十三日用飴糖祭竈名曰送灶神除夕飲食談笑以守歲親戚且有造門辭歲者

縣境氣候早寒遲暖二月中旬河冰始解清明前後農人出耕往往四月中間人猶有穿棉衣者端陽節後尚是清和天氣六月始暑小麥牙登一至七月之中涼風乃至故沿邊一帶禾苗或有凍枯者八

月下旬谷菽皆登土人有言曰至寒露割谷打棗是以時降霖雨淒涼特甚九月之初繁霜滿地木葉盡脫立冬以後水始涸地始凍冰結不解冬至以後天氣嚴寒北風烈烈地益凍冰益壯水澤腹堅至次歲二月中旬始見東風天氣方融

婚禮避同宗不避同姓先倩親友為媒聘時婿家卜日開宴隨餽布帛釵釧等物號曰定親此後每歲冬至餽婦家羊一號曰助年羊將娶先數月擇吉以衣服喜銀米麥等物餽送婦家謂之送采禮及期婿不親迎以一二有夫之婦乘輿馬往迎送亦如之三日廟見張喜筵會親黨夫家婦家以酒肉相餽送號曰送飯七日婦家迎女去號曰回門兼請婿及婦三日歸婦歸彌月婦家再迎女去留之一月謂

葭縣志

卷二風俗

十八

榆東順齋石印

之坐對月大率男女結婚早在十三四歲晚在十八九歲時

喪禮三日小斂必禮懺號曰引路經親友吊奠逢七輒至士大夫家間行享獻禮餘率延僧道理經至四十九日止從子諸孫過七七剃頭百日外喪服皆浼曰熟孝將葬先期親友致祭並建道場前一日行遷柩禮至日柩行親友祭於路左蓋祖餞之意也族人及親屬男女送柩數百步而止既封題主於墓迎歸祠之葬之又明日男女赴墓環繞號哭盡哀而罷是為復三祭禮於享神而外更事拜墓凡上元清明天中天飢中秋重陽歲腊冬至除日暨娶妻生子遠歸存歿生辰之類俱詣塋奠之

葭俗婦人初產母家必送米麪肉食縉紳之家僱一穩婆平民則其

母自往謂之守月及彌月外家備小兒衣服卧單以往夫家迎之並

請戚族之送湯餅者彌月之內親族送肉款以酒食富家酒席謂之做滿

月及週歲必請戚族盛集令小兒姑母做碎鞋一雙男子以碎鞋并

書卷筆墨算盤饅頭等件女子以鍼線剪刀饅頭等件置盤中聽小

兒自取以驗其志向謂之抓碎男女及長男婚女嫁與他處畧同惟

婚嫁之期親戚皆至各送禮錢二四百文不等並喜對花紅胭脂等

類以作喜敬主人款留一日謂之喜筵及親戚歸時各酌以饅頭八

個或十六個謂之茶飯年高頌望間有開壽筵者親戚祝壽者間以

酒肉花炮熾燭等項為壽儀縉紳之家或有送屏幃者平民中絕少

主人惟款以八簋常品而珍錯盛饌演戲宴客者尤屬罕見喪祭之

設縣志 卷二 風俗 十九 榆東順齋石印

應酌多從簡畧凡遇新喪親戚以香楮祭品為奠儀遠來者以香楮

錢鈔代之其他除道執紼之禮大畧相同惟百日小祥大祥三週脫

服亦間有舉行設奠者其贈酌亦如之朋友之交譜而不盟凡冠婚

喪祭歲時伏腊亦惟以禮儀酒食相投贈而已

葭人呼父曰達達爹爹之轉音也或曰爸爸母曰媽媽伯父曰伯伯伯母曰

大娘又曰大大叔父曰叔叔或曰老老叔母曰孀孀子又行幾曰幾媽

祖父曰爺爺祖母曰娘娘外祖父曰威爺外祖母曰威婆舅父母曰

舅舅姪子表兄弟曰姑舅姨兄弟曰兩姨室兄曰妻哥室弟曰小舅

子妻曰婆姨子曰小子又曰孩兒兩婿相謂曰挑担娣姒相呼曰妯

娒又曰先去聲後子子婦曰史平聲媳婦之轉音也子孫婦曰孫子史盟兄弟曰拜

石完婚曰引也迎叟子嫁女曰出女子人死曰老又曰失吉葬親曰埋

老人承服曰戴號孝字之轉音也親戚之往來者行走不往來者曰不行走

耐酢曰行門戶言人之懦者曰善又曰難懦字之轉音也慈强者曰惡又曰

利害忠厚者曰結實不振作曰倒塌病曰難活疾曰不散恬儉曰仔

細奢曰霍托其他土語之不可索解者大抵有其音而無其字姑切

合而錄之於左

侏讀作米平聲們字之轉音也今謂我們也

聶平聲烏賒切你字之轉音也今謂你們

努那字之轉音也今謂他也彼也

那去聲家讀作吉他家也

拉手聲雷麻切

送陰平聲斗蛇切怎麼也這讀作執送這麼也

兀挖乙切送那麼也

拉打兒何處也

這打兒此處也

葭縣志

卷二風俗

二十

榆東順齋石印

兀打兒彼處也

拉努 怎個也

這讀作肘努這個也

兀努那個也

甚會兒何時也

耐會兒待一時也

罷些兒連一時也

沒拉沒有也

停讀作題罷避一時也

散恬快活也

夜日昨日也

腦平聲頭也

仰烏仰切偃卧也

舍石田切平聲居住也

促上聲情忍切暑熱也

熬勞字之轉音困乏也

赤音鑽水入土也

拉去聲雷罵切話談話也

坐與漫同水冒土上而流也

黑地夜晚也

圪塆音格勞去聲山之窩處也

采與覷同三人不出頭也

井瞎同人入井也

均响同牛之耕地曰幾均也

闌鑽同身入門中也

因磅同土入口也

戛音進火炒豆則進也

塚音蛙山之污下也

吉縫同土開口也

刃俗呼器具為家使作此字

莖野同

靛音參麥仁也

青去音格喇亦縫也

銖釘同

梁俗呼山瘡為梁

猪猪音容婁小猪也

有無同

吃噠亂說也

暑退俗謂處暑為暑退

野蠟神名即野蠶也

變音便急走也

圪塔小山相連峯起之名

峒音卯山之岡

圪凸山間小阜曰圪凸

塢音煙兩山中臨溪之小徑也

圪塆小屋曰圪塆

塔阪地之平者曰塔

圪峒山岡之小者曰圪峒

立凍俗謂立冬為立凍

坪山地之平者曰坪

克克禿切罷去罷也又算了也

躄音掙能自立身也劉躄人名見宋史

還還音先生俗呼替者之能巫卜也

穰然字去聲俗以麥稻和泥塗壁謂之穰草

積黃河中水石相擊波洶湧之處曰積

圪陀地中大凹曰圪陀俗作圪陀非

葭縣志

卷二風俗

二十一

榆東順齋石印

圪嘴山嶺如鳥喙者曰

圪嘴嘴小者曰圪嘴

碼俗以碼腦之碼為法馬之馬又騙人曰碼騙是馬廐之訛

卡音復身在喉中上不上下不下也今伏兵亦謂之卡

堰讀如戰山障水為大西曰堰見宋史俗作占舊作迪非

藝文志

葭州宜鑿井記

明葭州知州張琛

葭州古銀州故城在永樂川宋元豐九年西夏破銀州據之河東轉運使孫覽頡兵吐渾河為進討計於是另築葭蘆寨即今城也固一時權宜計耳豈意迄今數百年無所更改哉夫建城邑必曰可守而可守之道首在便民民不便將何以聚民不聚將何以守王城省會之地必有巨嶽名山為左右輔翼非直據其巔也其城必擇環山平原之地於是舟車可通財貨輻輳推之州縣何獨不然今葭之左有大會坪右有南河底皆寬敞而平行而不建城邑於茲者蓋當日西夏兵逼惟恐不得其險耳擇其險莫如今之地故以為城然險則險

葭縣志

卷二 藝文

二十二

榆林東順齋石印

矣城中乏水絕地今自城中盤旋而下山之麓或十里或五里磊砢屈曲人不能並行少失足則墮崖有力之夫不能負五十觔而上下汲水必於黃河於葭河斗大之筒日不能十往返担水價至一二十文或貴至三十文故有青青子衿者力不能買水則自擔水民非水不生其不便民也已若是豈不寒心孫覽築寨以後因其地改名晉寧軍厥後金人婁宿載芟草煙支流域中人馬皆渴死守將徐徽言孫昂被虜城破迨明流賊起亦以絕水破往古之事豈非炯戒今欲移城就水力所不能然鑿井豈遂無泉穿井可以固守今葭州高據峯頂四圍陡峭直下百萬雄兵到此束手固千古之形勢也然城內或有數月之糧斷無隔日之水無水則鬼國有水則雄國豈止倉卒

生靈安枕無恙且為五原屏藩兩陝吭喉也則官斯土者當教鑿井居斯城者當自鑿井今城內近二千家家用二擔價至賤二十文二千家則日需錢二十千文月六百千文石工三人日可鑿圓徑五尺者一尺深每工日給錢百文則錢三千文可鑿一丈三百千文可鑿百丈以一月之所需錢六百千可鑿二百仞五十仞之石可穿四井則居民共捐此錢不過預出一月之水值耳過後其利無窮永不需錢其事當易集也今國家水平日久斷無意外之事然兵不可一日無備有所以保城池安室家全性命之道不虞之事預籌於安居承平之日豈不從容暇逸民何憚而不為哉或曰城內多鹽鹵不可食琛曰琛曾從戎擊教匪守大成寨乏水視兵飲馬溺甚甘至爭毆

蓋人之餓可耐數日渴則不能過一日者溺尚可飲况鹽鹵水乎且居民用水之處鹽鹵所不擇也食水少平居仍可取之於黃於葭也所省錢多矣或又曰石高數十丈欲其得泉不亦難乎琛曰惟在人之力之堅與不堅耳泉之深淺所不計也宋神宗時衡判廊州築城以防西夏城即今之清澗縣也無水築井築至九仞大石橫亘議者皆以為難種曰不然豈有有石而無水者乎今能築一畚者予錢百於是人爭築之又多日泉湧井成故縣賜名清澗琛自愧官錢空乏不敢私用請於上非例所允行故勸民出資耳其視神公舊跡而行之地不愛寶必有以副衆人之志也琛忝為邑長所見及此故以商諸士

領通藏初 明萬曆四十六年

勅諭陝西延安府葭州白雲山白雲觀住持及道衆人等朕發誠心印造大道藏經頒施在京及天下名山宮觀供奉經首護勅已諭其由爾住持及道衆人等務要虔潔供安朝夕禮誦保安眇躬康泰宮壺肅清懺已往愆尤祈無疆壽福民安國泰天下太平俾四海八方同歸清靜善教朕成恭己無為之治道焉今特准御馬監太監葉忠奏請着本山道人肅靜恭請彼處供安各宜仰體知悉欽哉故諭

明迪功郎四川重慶府經歷南河張公墓表 禮部尚書蔡 昂

嘉靖甲午冬十一月丙戌葭州南河張公卒卜辛丑年八月十九日合葬公配高氏於城南青沙嶺上門人別駕柴希高郡守郭廷珪氏

葭縣志

卷二 藝文

二十四

榆林東順齋石印

銘其隧道明年春公孫鶚翼以選舉集闕下來謁以公墓上之表為請予初不識公也以吾戚冬官郎佟應龍氏出守葭用是得公之賢為詳鶚翼至乃知仁人之後益重所聞於乎秦中有若人哉是可春已爰次之曰公諱璣字舜器號南河其先晉之石州人有諱仲和者以總管守彰德路遷居葭之和市里故子孫世為州人高祖瑛國朝舉賢良為刑部主事傳至福成生輝為句容縣簿娶劉氏生公公負質穎拔為兒時已敦行誼無凡態即知孝親長遊郡學以詩鳴關隴每就提學官試輒稱首為楊邃菴王虎谷二先生器重之虎谷徵入正學書院得徧涉六經百氏識度日閱為文銖鍛近習直詣先秦以上以是乖有司程式竟不第正德庚午進太學辛巳就銓曹授四川

重慶府經歷會賊鮮景秀等數百人起江津黎本韶等數百人起璧山公皆俘獲無遺類范御史下檄嘉獎之壬午冬入覲使道歸省之任白其郡守曰某竊薄祿顧吾二親皆八十不可迎養又不獲奉升斗吾則弗子也請以其半養焉守為疏之當路皆報可如所請播凱昭勇將軍宣慰使楊愛唐太師文廣二十六代孫也與弟友競地相凌虐流毒境上天子奪符下蜀藩議時巡撫湯公藩伯林公以宣慰有先世德且八百載不宜以愛友故遽使就湮簡公往請之公推赤誠譬以禍福裁數語折其謀均所競地二公以其事上之朝歸符封爵遂湯平累歲之孽乙酉冬入覲得再歸省欲上疏乞終養句容公曰忠與孝一稱汝能忠即孝我矣且吾體尚健又得分俸以給慎勿

用內顧為也唯勵汝臣節用圖報上吾心慰矣復之任三署墊江政民甚宜之為之謠曰張郎來墊民安張郎去墊民攀石柱酉陽二宣撫攘地構兵李御史以公嘗靖播凱之難復簡公以往公入首穴章國憲遂用底寧戊子冬再修覲以其子若孫使道歸省乞終養疏寢復之任董新寧巫山鹽課官私稱便兩署銅梁江津皆剝邑所至稱良牧焉庚寅再乞終養乃得歸閱歲侍句容公疾至忘寢食居喪哀毀逾禮治葬祭如宋儒禮公醇慤冲朗孝友天至遇宗黨里閭必盡理道每飭子孫力耕讀書明世務勿蹈不義方與一二耆英結詩社而疾作矣治命不及家事獨戒其子希明及鶚翼曰善為我養老母遂逝距生成化己丑九月壬寅享年六十有六可謂壽考矣公配高

氏淑德懿範備載葬志生男子一即希明娶韓氏女子一適口口生
曾應聘孫男五長即鵬翼任四川彭山縣知縣娶呂氏次鵬翼州學
生娶曹氏次鳳翼州學生娶曹氏次鴻翼娶山西臨縣王氏次鸞翼
娶山西臨縣王氏孫女五長適州學生馬永丞次適曹中次適州學
生高世彥次適口邦仕次適曹詮皆名閥曾孫男子八國化州學生
國治榆林衛學生鶚翼出國教榆林衛學生國典國紀鵬翼出國柱
國綱國維鳳翼出曾孫女子二玄孫男子三嘉會國化出嘉善嘉祚
國教出玄孫女子二其嗣續之繁盛蓋鮮有京者於乎以公之茂德
雅抱宜宣著聲光而歛其名而口口而不遐其齡何哉然麟趾嗣
慶衮衮駢駢玉葉桂英方騰方耀采為明世之禎公之名之施之末

葭縣志

卷二藝文

二十六

榆林東順齋石印

竟者將不在茲乎將不在茲乎

明承德郎山西大同府通判曹公墓表

錦衣衛經歷沈 鍊

鍊以言事獲譴安置保安州州郡君圓峯公數過余若待賢雋不以
布衣薄之適以其先公狀屬余為之墓表余讀其狀而尋繹其行事
喟然嘆曰賢人也烏得不為之表乎適公諱琰字器之扁所居真鄉
從遊者稱為真鄉先生云世居葭州之和市里王父廣娶韓氏父彬
娶馮氏成化己丑八月壬辰夢白蛇入懷而生公生而瑰悟性警敏
垂意典墳日誦數千言衆籍籍奇之父母俱蚤世公力起家兼資其
兄弟充郡學弟子員試輒高等正德丙子有司以文行貢入太學嘉

請甲申授官知瀋縣事瀋為三輔要地多中貴奸盜交作邑事往往而廢公至奮然無所避忌捕割賊賊其渠率次其塹垣庠校廨署圩塍井然脩舉招集流移撫摩之豪強者不得肆邑人張永福素抗長吏公牒當道而流之百姓為之謠曰曹公治任擒老虎瀋縣改作開封府於是刺舉者文章薦之庚寅秩滿遂陞大同府通判大同為北虜要害官事叢雜比瀋尤為艱時又值府軍殺總兵李瑾于戈旁于公被司府諮詢及所區畫皆犁然曲當而薦之者章疏益多然人或警公老公遊毅然請歸無遲留焉嗚呼此古之所謂良吏者非耶可以為賢矣歸即營別墅於州南浮圖峪讀奇書非公事不入城市者七年州刺史高尚之名其墅為小嚴灘辛丑病卒享年七十有三娶

葭縣志

卷二 藝文

二十七

榆東順齋石印

李氏先公卒生子應時為太學生則余郡君圓峯公也孫汝學葬於城南青沙嶺之西偏銘曰八水縈迴真鄉法法百里之東爰有高墳高墳在陸別駕芳躅平陽裔孫為葭望族衣冠蟬聯垂千百年道傍觀者記此名阡

明誥封驃騎將軍都督僉事素庵牛公神道碑銘

山西巡撫崔 鏞

此素庵封驃騎將軍牛公之塋也公諱琛字國珍別號素菴其先葭州人公生而重厚寡言性嚴毅教子以義方家無儋石晏如也嘉隆間北虜猖獗延寧無歲不被寇天下拊髀思將帥一時智勇之士氣蒸雲集罔不乘時奮起維時素庵公冢嗣西泉牛將軍崛起列校歷

百千戶侯指揮遼寧夏平虜叅將延綏孤山副總兵累建奇勳威名
丕著計擒斬首虜五六百級其親手俘亦百計虜憚之相戒不敢犯
疆圉以安天子嘉其功陟都督府都督僉事領制勅推轂寧夏鎮守
挂征西將軍印充總兵官且封素菴公為驃騎將軍贈母賀氏太夫人
錫之誥如祖制乃素菴公篤生驍將康靖國家遡流窮源靈承褒
封宜矣於是稽首覃恩榮膺金紫捧黃麻披紫誥服文繡之章扶鳩
糾之杖僊鳥皮之几飲紫霞之觴以丕承顯命其子都督西泉公舞
綢繡於前供耳目之玩素菴公焜煌顯赫人望之若仙侶然於康熙
教隆慶四年二月初三日素菴公以疾終於正寢享年七十有三配
賀氏先公卒以子貴得贈泉壤萬曆元年七月十八日合葬於高家

堡煖水溝之原子一秉忠即都督萬曆八年冬都督持素菴公行述
泣而言曰先君積德累仁貽謀垂訓忠得奉以從事疆場恩罔極矣
祿養未幾即爾背棄卜兆安厝於今數年乃誌銘則既勒口口口口
茲欲伐石樹碑傳之不朽敢丐一言以表松楸余惟孝子能顯其親
仁人克昌厥後素菴公家世段蓋醇謹勤儉力本敦信樂義口口里
聞婚喪吊舉者公任之如已事必曲為之所然後已其教子一以嚴
正嘗戒之曰朝廷拔汝於行伍中授之大將生殺予奪惟汝專之汝
宜感口口口捐軀畢志毋以我老為念嗚呼賢矣哉故都督西泉公
握符樹勳以功名顯豈不有自乎余乃為之銘曰在昔嘉隆天驕匪
茹侵延寇寧九重勞慮公生賢嗣超然遠御斬將奪旗勒功鍾鏢秉

錢朔方蜚聲督署推本稟恩非公孰與煖水之原風氣攸豫鬱鬱佳
城龍蟠虎踞子系綿綿天人協助於萬斯年永綏終譽

白雲山玉風真人記

秘書院侍讀朱之俊

葭州白雲山關西名勝地也盈盈一水晉人士往往過而縱觀焉恨
余年逾古稀不能飛渡踞白雲山絕頂搔首問青天也今上御極之
五禩余汾西頂石盤山檢藏安鉢預告四方廟期四衆雲集中有自
秦豫來者白雲山道人李守鵠其一也拉茂才一二輩團聚小屋繕
膳經卷追道場畢鈔錄亦竣道人相率還山詣余稽首曰白雲觀規
模不減西頂己丑兵變頗遭蹂躪道藏委地遺落數十冊今特來查
補幸月餘就緒無復缺陷事乞為志其畧余唯唯案此地開山立觀

葭縣志

卷二藝文

二十九

榆林東順齋石印

昉於玉風真人真人李姓據父老所傳明代萬歷甲辰歲其人遊汾
之石盤山露坐石上寒暑不侵每夜山頭放光大顯靈異土人謀築
壇宇其人頷之於是來厝梓楠諸材俱不假募化助積山下者約畧
以數千計不啻神運鬼輸矣爾時怪其惑衆疑為妖人逐之去乙巳
真人入秦愛白雲山景逍遙其上無何創建廡殿數十圍大木飛濤
漂至神通種種匪彝所思琳宮紺宇既欲其尊嚴綺節雕梁又極其
壯麗爰鑄真武金像於榆林董其事者張總戎臣是也隨請內府經
藏於京師王之成者張太宰問達薛司寇貞會中涓御馬監葉忠是
也真人以法事圓滿良趾閉關一味靜修而已然尤以普濟衆生為
第一義遇有病苦療治立瘥如陳憲副性學啖呪棗而愈寒疾李憲

副棲鳳飲法水而愈目症諸如此類未易枚舉非得道高人豈能回
生解危一一響應若此哉諸大老慕真人道化延趣入都真人厭其
塵囂遽請返駕行至邯鄲羽化尸解從者西歸山庵空鎖無復真人
之跡矣至供奉道藏則有白雲閣在嶒嶸燦爛宛然紫宮金闕此又
信士劉節劉孔秀倡義落成於真人昇遐之後者也庚申九月州牧
盧君登閣眺望忽見西南梁棟挺生靈芝九莖五色鮮明光艷奪自
同人驚賞謂得未曾有或以為真人之色相或以為仙吏之感召後
遂改為瑞芝閣云迄今百有餘載道人遨遊西頂每日顛仰稱讚不
已內典云凡瞻禮宮像生歡喜心者其功德與締造之人等無有異
通人正復如是且真人屈於汾而伸於葭今日者安知道人非真人

葭縣志

卷二藝文

三十

榆林東順齋石印

後身前念未化突來西頂覩斯千之秩秩見大廈之耽耽輒然解頤
頓了其夙願未可知也一段奇緣詎可泯沒余故表而出之本山殿
閣若干楹垣墉若干丈以至經費之多寡檀越之姓名載在往碣寓
目了然無俟余饒舌贅述為矣

與郝郡守書

州人柴希高

不肖卜居深山四面險阻幽潛深洞人跡罕到閉目掩耳離形去知
自存衰朽無復世故而世故畧不相尋者久之日昨忽聞剝啄甚急
不肖卧起開關視之乃一老婦潦倒龍鍾携一幼女約可七八歲揮
標售鬻試詰其故老婦曰妾西莊鄰家甲長婦也有子三人先年屢
遭荒歉甲尸死徙該身糧役既輪為包賠逃絕不前妾夫監禁杖笞

既死於獄次年輸納色賄如之次子又死於獄止遺小子今年為臨
納色賄入將死於獄矣小子死一家滅絕妻與幼女何以為生妻老
矣雖欲售之如人之不見憐何幼女而或儲之猶可備使令是故來
售真得其值以丐兒生問值幾何曰必穀六斛半可矣不肖如數與
之婦將出門幼女則牽衣啼嗷婦則割髮折手而出號痛沿徑而去
不肖坐而思立而歎曰今年此婦鬻女贖兒或苟全矣來年兒復如
是婦將何以為鬻以贖其生耶是故呼童追招其婦還其女而不取
其值婦始則驚繼則疑終則釋然而去嗚呼若此之類豈唯一家為
然一里或有然者豈唯一里為然一州或有然者執事當于民之寄
受司牧之責諒無人以告之耳若或告之一聞於耳必有惻然於心

葭縣志

卷二 藝文

三十一

榆東順齋石印

為之保全愛護殆有甚於不肖者矣是何也執事之於葭民譬則慈
母不肖之於葭民譬則西鄰之棄婦西鄰之棄婦見路傍赤子哀痛
悲號雖有惻隱之心不過歎歎歎息而已若遇慈母必懷抱乳哺不
忘舍去以此較彼情之親疎自別吾知葭民受累之情一入執事之
耳必有惻然于心為之保全愛護殆有甚於不肖者矣焉有拒而不
聽者哉或曰聽則聽矣其如言之難信何糧役在人以虛為實不顧
累人將有作無唯圖便己里胥之弊百出何信之為顧包拯受欺至
今稱明執事不欲為包拯則已如欲為包拯豈肯因彼廢此概焉不
之信哉或又曰信則信矣其如事之難行何糧役不完上憲督責速
如星火差使催取期於旦夕官府之累多端何行之為顧陽城政獨

至今稱仁執事不欲為陽城則已如欲為陽城豈有重己輕人阻馬而不之行哉夫聽而行之不傷於知信而行之無損於仁仁且知聖賢之徒也謂執事之不聽信而行之不以告者是不以聖賢待吾執事而以凡庸待吾執事夫不以聖賢待吾執事而以凡庸待吾執事是豈知吾執事者哉是以不避躁妄干冒唐突倘執事以為可採不惑於群議不間於流言聽而必信信而必行焉不肖幸甚葭民幸甚臨書無任恐悚希高饒舌

程公去思碑

州人張爾德

自古以循良名者政稱三異民歌五袴或傳父母之號或進神君之頌類皆蒞事之時道路口碑修史者採而筆之以誇耀後世至於去

葭縣志

卷二藝文

三十二

榆東順齋石印

而思思而感慕之不置家戶戶祝永矢勿諼者稽諸簡策蓋不數數見而獨於郡太守程公過之公諱材傳字鶴亭楚之蒲圻人也衡湘望族濂洛名儒辛卯膺鄉薦世宗憲皇帝御極之初榮隸通籍發軔于河間之獻邑值歲饑焦勞賑恤盡汲長孺富鄭公之術由是才名達於帝都聲播於遐邇升授天津以總憲楊公之特薦入覲天顏奉命來陝正值西郵軍務公以敏練之材承辦糧運馬匹事事妥協諸上憲爭先保薦於癸丑歲佐治漢中清查糧務革除茶規歷有治績益廣平有脚之春不擇地而施也如是公於是歲來守葭郡迄今上之六年歲辛酉屈指已近十載吾葭人之愛公重公者已決於肺腑而筆不能書言不能悉矣乃於公之升授直隸秦郡而去也去而

思息而感慕之不置城鄉老少環向而請曰公誠不可忘請志吾輩之所以不忘公者余詰之曰公之遺愛誠不可忘也而吾段人之所以不忘公者君輩其盡知之乎抑猶有未悉者予嘗聞仁人君子所居無赫赫名去後常令人思公之謂也公之仁心惠政美不勝舉即以四民之被德於公者約畧計之段屬邊陲人鮮知學公設立義學捐俸資給復親為講論以故士子爭自濯磨乙卯丙辰戊午陝關捷者五人前此未之有也士不思公而誰思歟段城僻處一隅路非要衝其列市廛者不過本地細民覓蠅頭以為餬口計公所需一絲一粟俱係平價並無擾累商旅不思公而誰思歟段地瘠多山頻年亢旱公遇荒歎力為申請多方撫恤一夫失所引咎不遑比年以來雖

葭縣志

卷二藝文

三十三

榆東順齋石印

屢荒而民得安堵並無轉徙者皆公賜也農民不思公而誰思歟其他聽訟之公明保甲之嚴密鰥寡孤獨之捐濟風移俗易吏習民安公蒞事之時段人習為固然而於其去也攀轅卧轍借寇無從此其所以去而思思而感慕之不置願勒諸貞珉以垂不朽者乎眾咸曰唯唯惟命吾段人無所以報公者惟家戶戶祝祝公之早為遷轉出鎮藩服入司鼎鼐以惠一方者及天下將秉筆者書之史冊安知不可追踪於古所云者耶是為記

重修普照寺碑記

雍正甲辰科進士張爾德

郡東門內寺名普照古刹也葭治十三寺以斯寺為總會之所大殿則釋迦如來而阿儂迦葉侍焉後殿祀毘盧古佛配以文殊普賢二

菩薩其東觀音大士羅漢十八尊列座其次其西地藏王殿閻君十王森排其所護法則韋馱伽藍坐鎮則四大天王體制宏敞誠梵宇之鉅觀禪林之淨地也自明末兵燹蹂躪以來煙火稀疎茲寺亦日就衰落矣康熙年間曾經兩次修理集僧衆建萬人勝會一時稱極盛焉然倏盛倏衰數十年來木植朽腐簷瓦敝碎頽垣破壁日侵風欺豈僅莊嚴減色金碧無光不足壯觀瞻已哉太守祖公時與郡紳士咨嗟歎息以為斯寺頽廢已甚整頓宜急而工程浩大非得老成數人董其事而各寺住持分其任不足以勦乃事而觀厥成也歲丙寅掌教僧達皓率領十三寺僧叩請郡紳士齒德兼長者十數人量力布金兼領其役以為大衆倡衆僧亦各誓志募化齊乃心協乃力

葭縣志

卷二 藝文

三十四

榆東順齋石印

由是始於丁卯迄於戊辰而工程次第就理廟仍其舊像飾其新惟鐘鼓二樓之建於殿院者移置山門左右覺較殿焉斯役也一寺而合十三寺之僧以募修之十三寺之僧而募三里之善男信女以助修之大衆之功德不可不勒諸貞珉以垂久遠因請記於余以為後之嗣而葺之者勸余以為物之廢興成毀雖各有數而廢而興而毀而成莫不恃乎人力以為維持茲寺也向之頽然者今已煥然矣正恐廢興成毀轉瞬以相因安知布金祇園不復作荒煙蔓草觀也所望後之同志者相繼修理庶鷲嶺龍宮永鎮葭山之麓梵聲唵語呵護蘆水之濱洵吾鄉之勝境也爰提筆而為之記

葉則坪娘娘廟碑記

道光甲午舉人張叶昌

坪隸葭之浮屠由浮屠而南坦行六七里黃河西繞水與岸平緣岸而上樹蔭蔽日遊人往往憇息焉繞樹行數步則有石室一間潤丈許深十有五六尺中則聖母像糠豆神催生送生諸神像蓋古刹也而頽圯甚矣越辛丑余自北歸謀所以讀舊書暢幽懷者而客以坪進余方喜山水之足以怡情而又懼風雨之不堪庇身也及順流而下棄舟登陸尋前之綠蔭扶疎者圍之以垣矣垣之內約十丈有奇西北路不盈尺梯岩而過歷三四階俯首而入之即前云石室者是也神之像各加金碧而香煙繚繞室巔如墨馬出室降階度得平路不數武有室數椽接山之麓蔚然而秀起當瀛洲草綠春江月白識者仿之陶然亭云峯迴路轉一徑如線岩口嵯峨不啻武夷勝境攀蘿而下樓從面起鐘鼓之音與水聲相和開軒而俯視之舟皆如芥人影似豆秦關晉嶺雲樹相接混然上下莫辨西東少頃月出於斗牛之墟蟲聲唧唧涼氣侵人則又有迴廊曲榭焚香靜坐朗誦秋水一篇蓋不知天上人間也噫此仙境也誰實為之既而考其巔末乃知遊艇往來各輸已囊而香火之費土木之資誠不賴乎人力而神實為之也噫亦奇矣於是援筆而為之記

原任葭州吏目秦公登德配趙孺人墓碑記

葭州吏目孫炳焜

公諱敬時字啞夫姓秦氏越之山陰人也咸豐壬子授葭州吏目攜眷來任未幾孺人趙氏歿瘞於北郊又未幾一僕死復瘞之居無何

公亦以疾卒於官蓋當同治初徇逆擾亂時也貧不能歸其喪遂與孺人合葬焉余抵官之三年春始獲知公之事於主講任堯仙別駕因之有所感矣昔王陽明為龍場驛丞有吏目自京來者攜一子一僕俱道死不知其姓氏里居陽明瘞而祭之以為皆中土產故傷之也今吾與公皆越人也公官於斯歿於斯瘞於斯垂廿餘年骸骨不得歸而吾又繼公而來此矣生同里閭復同官於窮邊絕塞之地我生而來公死不返則其情更切於陽明能勿為之惻愴怛感動於懷也哉聞公有丈夫子三後皆去餬其口於四方豈必無興起者終來歸公之柩乎雖然後之人其來與否不可必而今之知公者惟堯仙而已堯仙老矣非能如彭篋之壽也余年雖富然宦跡久速非可

葭縣志

卷二 藝文

三十六

榆林東順齋石印

期也竊恐時移世異坯土莫能辨又不獲如聊曼甫之母為告孔氏之墓者心甚悲焉余雖未瘞公之骸焉可不表公之墓清明日既為文以祭之越月乃為叙次其事豎碑墓前倘來歸其柩庶幾不迷所向云尤願後之官斯州與夫居斯土者善護持之勿使有損則秦氏存歿感且不朽而大君子為子孫造福亦實無量矣是為記

公舉節孝呈辭

縣人趙思明

為舉報節孝懇請轉呈褒揚事竊查葭縣南區關甲村劉永科之祖母任氏係已故劉順達之妻十九歲喪夫母張氏係已故劉懷德之妻二十二歲夫亡兩代傷情姑媳相依為命一門苦況父子連續成孤家業衰微饔飧不繼田園荒廢耕作無人於是任氏則心同止水

之死靡他張氏則意似寒冰畢生無二和顏以奉孀母始終不渝晝
荻以訓孤兒朝夕無間悉為夫而守節各教子以成人雖鐵石難以
比其堅即父母未能違其志如此冰清玉潔順志承顏求之於今實
所罕見今任氏已經病亡理宜表墓張氏年週花甲精神尚強以維
綱常鄉鄰內可稱孝婦以作壺範巾幗中不愧完人衆論僉同輿情
允洽某等誼屬姻親勢難緘嘿不忍令其湮沒爰聯名公呈伏乞仁
明縣長體國家之功令拔節孝於沉湮據實轉呈省長咨部俾蒙褒
揚庶節孝克彰而風俗益勵矣

物產志

植物類

穀 屬

高粱也江淮以北農田多種之通呼之曰秫秫苗有紅白二種紅者種之尤多故又曰紅粱實粗硬故亦謂之粗粱其莖幹似蘆穗聚而上出漢以後皆誤以粟為稷唐以後又誤以黍為稷穀類中種之最早者耳

黍

粱

俗謂之糜有赤黃白紫灰數色分粘不粘兩種粘者曰軟米可釀酒不粘者名黃米又熟未足成時帶稔炒過名炒米煮飯甚佳即粟也其實曰粟其米曰粱自古為糧食大宗故謂之嘉穀今對稻為大米而言則謂之小米周禮九穀六穀皆有粱無粟知古本同物而異名葉似玉蜀黍花小密集花序為圓錐形穗有芒實有白色黃色赤色縹色性分粘疎二種

玉蜀黍

俗呼玉大黍苗莖似蜀黍而肥矮結實顆粒甚大有黃白灰赤斑數色及未乾燒食之佳

稷縣志

卷二 物產

三十八

榆東順齋石印

來麥

即小麥春種

穉麥

即大麥秋種

青稞

似雀麥較美

燕麥

一名雀麥

莠麥

即烏麥

綠豆

色微黃者良

豇豆

有花白二色

豌豆

有灰白二色

大豆

有黑白綠花數種俗總名為黑豆

小豆

有紅白綠花四色

扁豆

有紅白二色

紅豆

蠶豆

芝麻

其油甚香

胡麻

一名亞麻

蓖麻

有黑白花三色顆粒肥大其油只可燃燈俗謂大麻

大麻

俗稱火麻莖高七八尺葉作掌狀深裂其花雌雄異株雄曰象俗謂花麻雌曰苴麻謂小麻子

蔬 屬

菘

即白菜有二種其肥大者名黃芽菜

蕪菁

即蔓菁根尖作一條者佳

花芥

在沙地者茂

白芥

俗名黃芥

撒藍

亦呼茄蓮

菜菔

即蘿蔔大小二種其小者時於畦塍名水蘿菔又一種號胡蘿蔔根有黃赤二色

茄 有紫白二色

菠稜 即赤根菜

蒼蓮

萬苣

胡芹

葱 有大小二種

韭

大蒜

辣角

胡荽 即原荽

藤蒿

菜豆

豆莢

子黑有赤白二色極大作菜食亦佳

藤蒿

菜豆

豆芽

沸水中加涼水少許浸豆數小時去水置溫處日以涼水洗二次數日芽長寸許即食綠豆為上黑豆次之

豆青

即豌豆淘淨置溫處俟芽生平布於器勿動日以冷水潤之暴日中莖葉漸茂高及尺許有二種棗磨菰生菓樹下柳磨菰生柳樹下食柳磨菰忌飲酒

磨菰

有二種棗磨菰生菓樹下柳磨菰生柳樹下食柳磨菰忌飲酒

小蒜

薤

地耳

雨後輒生春採者良

小蒜

薤

滴露

即地蠶

獨帚

落藜

灰蘆

俗呼條

莫

俗呼地柳

野苋

馬齒苋

薺

俗呼甜根子

葭縣志

卷二 物產

三十九

榆林東順齋石印

苦菜

甜苣

羊角菜

燕兒菜

俗呼格刷刷

沙蕉

狀類柏葉而散渙

地豌豆

葉長二寸許花藍赤二色結實三稜與根葉俱可食

山芋

俗名山藥春種秋收結實土中如雞卵然近得忻州種較土種大而不甚美

回回白

獨本獨花葉如蓮花層層包裹味似白菜亦名蓮花菜

黃花菜

花未開時狀如金針黃花俗名金針

瓜屬

黃瓜

即胡瓜

冬瓜

南瓜

亦曰飯瓜

絲瓜

即布瓜

西瓜

黃瓤者佳峪口向有老農魏如金善種此瓜實大味甘人疑有奇術惜其後無傳人以為大瓜減種之恨

甜瓜

越瓜

俗呼菜瓜

瓠瓠

果屬

棗 味甘美出萬戶峪者良一種
名園棗形圓味酸不可久貯

梨 甘脆多汁一種
形長俗名安羅

柰 有二種一名大紅
果一名青皮果

李 有三種一種
名御黃者佳

胡桃 即核桃出觀井寺焦家
集園家坪康家塢數處

木瓜 杜梨

無花果 葡萄

酸棗 棘實
味酸 馬薔 小木叢生結實
色紅大於酸棗

木屬

葭縣志

卷二物產

四十

榆東順齋石印

松 栢 出龍巖寺

桑 檀 萬戶峪

月牙 黃理出封子山鄭家窰
雲家窰等處疑俗名也

椿 檇 檇

冬青 柳 檉柳

黑木 高丈許細葉開小青花四瓣結實如豌豆大黑色
可食其裏赤若棗皮灰黑色俗因呼之正名未詳

花屬

月季 牡丹

石榴 山丹 浴呼山
桃花

玉簪 石竹 千瓣者名
洛陽花

芍藥 玫瑰 俗呼
荊梅

鳳仙 俗呼指甲草亦名茜草
重瓣者佳

長春 即金盞

蘋果 其初青色
熟後紅色

桃 有三種大者
名結桃佳

杏 味甘酸一種
子甘可生食

林檎 出沙
坡裏 山桃

桑甚

槐 白榆

黃楊 出栢
樹塢 青楊

茶 出余家山
柏樹塢 水桐

花 花椒

夏菊 即六月 菊數色

秋菊 即九月 菊數色

野菊 有黃藍二色二色 又各分大小兩種

萬壽菊

鷄冠花

金葡萄

金茄子

西番柿

錦葵 俗呼小 迷奇

蜀葵 數色重葉者佳 俗呼大迷奇

黃葵 即向日葵

馬蓼 即水荭花

夾竹桃

丁香

木槿

雁來紅 即老少年葉 紫而頂紅

藥屬

甘草

車前

茵陳 俗呼鐵竿蒿採 之三月者佳

柴胡

葶蘆 俗呼 麻麻

牽牛

荆芥 出諸 王山

麻黃

枸杞

三棱

甘遂 出諸 王山

紫花地丁 即野 扁豆

蒔蘿 即小 茴香

射干 俗名扇 子草

葭縣志

卷二 物產

四十一

榆東順齋石印

木賊 俗名節 節草

石胡荽 俗名陰 司草

澤漆 即貓兒 眼睛草

艾 可鍼灸採之三月 者佳端陽時亦佳

蓖麻 俗呼 大麻

蒺藜

葭蓉

菟絲 俗言 黃絲

龍葵 即天 茄子

豨薟

狗舌 葉布地 似車前

羊桃 俗呼羊 條梢

牛蒡 俗號野 大麻

蒼耳

馬兜鈴 即臭 骨子

黃芩

黃柏

小薊 俗呼毒 薊

大薊 俗稱 葛薄

紅花

鼓子花 即苦 子蔓

穀精草

夏枯草

地黃 俗稱婆 婆

地榆

地錦 俗稱雀 兒腦益

益母

知母

寒水石 出黑水 坎 萬戶峪

草屬

葦 可為 霧柳 叢生堪為藪其

沙竹 性柔堅無節而長可為掃帚

木竹 高三四尺莖紫赤色有刺開黃花結莢可為帚

石榆柳 高三四尺葉似白榆可為筐一種扁者更堅

縻條 高三四尺有刺開黃花結莢亦曰凝條可為筐

荆條 高三尺許可為筐鄭家宏龍王廟旁莖有周四寸者其高六七尺

沙蒿 子可食搗碎入豆 黃蒿 高二三尺色黃子可食亦作油

刺蒿 高二尺許有芒俗號 臭蒿 高三四尺葉花而繁

麻兒蒿 高踰二尺開四瓣黃花 謝則成亂絲白色如麻

柴蒿 直而葉稀 沙蓬 形圓有青赤二色子可食

葭縣志 卷二物產 四十二 榆東順齋石印

綿蓬 似沙蓬無芒亦青 白頭蓬 高二三尺圓形頭白中開極小黃花

灰蓬 河畔多有形圓灰色亦有淺紅者俗呼兔兒蒿

須麻 高三四尺結實狀若蜂房此物皮堅可用而土俗不務

寶蘆 高三四尺多節葉似竹中有齒痕其穗乾則成絨俗呼蘆草

和尚苗 高二尺葉邊有紫文圍之花潭成無瓣口黃而近蕊獨紫

苟芑 高可二尺花紫 攪區爬 高尺餘葉至薄有尖如手形

牛心薄 高可二尺葉光澤結莢長寸餘垂下生沙地

刺離 花葉布地抽莖高二尺許開紅花及莖葉俱有刺不可近

牛蔓菁 身葉類刺離花藍色花過成圓實上有毛若刺然不傷人

龍牀草 花葉布地抽莖高三尺許頂開淺紅花百餘朵

鐵簇草

高可二尺，刺長如鐵，數十一聚。

驢耳草

高二尺許，葉長似驢耳，結實兩兩相對，而有刺。

羊卵草

高二尺餘，開紅花，結實若羊卵形。

雀舌草

高二尺許，紫紅色，形長無瓣，結莢微曲，向上乾裂，則有物如雀舌。

後姚婆

高尺餘，花形如雀舌，而色藍，橫著枝上，蒂在花腰。

黃蓋草

一莖直起，高踰尺，下青而頂黃色。

黃米花

高尺許，叢生，頂開碎黃花，如米。

垂盆草

叢生，其葉軟而長。

燭麩花

高尺許，花藍色，歲飢則食。

書帶草

叢生，莖高尺許，細如縷，無節，而中空，至堅，藍色，結實依土形，若甜瓜，六瓣三稜，可食，俗呼桑牛草。

蕙草

即零陵香。

茅草

稗

沙彌

高尺餘，長葉，花黃白色，結實腹廣，而兩頭尖，食之甘美，近沙者茂。

葭縣志

卷二 物產

四十三

榆林 東順齋石印

薊子薄

高尺許，葉抱莖生，微而稠，開白花。

似石竹草

高尺許，枝葉有若石竹然。

灰草

高尺許，葉大於薊子，薄而稠，似之，色微灰。

似糜葉草

高尺許，生水際，葉若糜。

似松葉草

高尺許，葉若松，然開白花，結實圓而有尖。

似獨帚草

高尺許，狀類初生獨帚，但葉之邊際有白文。

水蓼

生下濕水旁，赤莖，長可一二尺，狹葉，穗淺紅色。

首翁

馬蘭

白草

莖長二三尺，多節，葉長尺餘，白穗，冬時望其形，白無與比，因名。

黏草

高不盈尺，結實有毛，刺乾則黏人衣襟上。

助彩草

高尺許，開小黃花，似棘，結實圓。

寄馬

高尺餘，旁枝極繁，結實圓，實如豌豆，大鮮紅，可愛。

赤條 高尺餘反色花黃葉細如枝望之若無故名

小柴灰 高二尺許莖葉極細開黃花微如蒿子

半筋子 莖直而長好散垂向地花黃白色

席刺 莖高四五尺穗疎散比於沙細而有節性堅可為席

鬼箭 莖高可三尺末有亂絲至乾抽出其下宛如箭鏃能穿物

管 莖高二尺白穗有總散二種性柔可為索

蒯 莖葉類管而穗黃有顆粒狀可為索

都草 莖高尺餘有節穗八九出而極整紫色

猶 俗號鷹爪草莖長二尺有節節著地輒生根其穗五六出各長二寸許散分若鷹爪生下濕地

黃蔞 高二尺許有節穗比於鷹爪色紫而短

院縣志 卷二物產 四十四 林榆東順齋石印

鎖把 好叢集作圓形抽莖高尺餘穗若牛尾草

牛毛 高尺餘有節穗疎散若壁魚形

野胡麻 其莖直起開花藍色極肖胡麻但細小

側蒙 起莖甚肖小蒜花開如米粒狀收穡令乾入餅及豆腐中味辛而美

地椒 高不盈尺開紅花味辛可醃入菜亦可入餅中

泡草 葉長二寸許分布在地其莖稍長亦卧著地上未開紅花鮮色可愛花謝遂成泡形五六一聚

米布袋 大致若泡草兩葉灰有毛花瓣中黃外赤結實有細粒如許

水艾 葉似艾青白色長數寸生澤田間莖蔓高邪

解渴兒 引蔓甚長結實紫而圓有甘汁莖蔓莫邪

狗毒 蔓延四五尺花謝則成白絨毛 躑兒蔓 長二三尺紫花結莢

荒蘭 蔓延三四尺色灰斷之有白汁結莢俗號曰佐莢莢

野黑豆 結莢延四五尺每趾數寸生莢

桐絮苗 蔓延尺許花如鼓子花而稍大近蕊無綫文

紅郎 根莖皆紅色蔓延尺餘開小藍花結實有長尖於未出土時掘根生食之極甘脆亦呼爬郎亦呼蘿葡苗

紅綫草 莖如綫色紅生水澤中蔓延二三尺每距二寸許生葉葉際各出根

蒿 即寄生凡柳榆杏水桐青楊等樹上有之莖似槐長尺餘叢生葉厚每於枝末兩葉對出三四月開花六七月結實圓而黃甜美可食冬不凋殘

鳥屬

鷓鴣 即鷓鴣黑色俗呼皂鷓

鸚鵡 似鸚鵡青黃色向風搖翅飛甚疾俗呼黃鸚子

雁 似鷹而小春秋南北

鴉 俗稱花豹即天鸞

葭縣志

卷二物產

四十五

榆東順齋石印

鷓鴣 俗名鷓老鷓

烏鴉 純黑俗呼老烏

山鳥 似烏鴉而小好羣飛嘴獨紅俗呼曰鴉

鷓鴣 即怪鷓兩目如貓勾喙短尾淺絳色襟以白點足毛直覆至爪晝伏夜飛鳴聲隨時而變不祥之鳥俗倒呼為鷓怪

鷓鴣 即鷓鴣又名訓狐若怪鷓而大亦晝伏夜飛鳴則自呼其名聲最濁不祥之鳥

鷓鴣 白灰二種

鷓鴣 一名淘河長頸短尾灰色脊黑而腹白足高而赤嘴長七八寸以嘴畫水求魚無一息之停今撈魚

鷓鴣 水老婆 即蜻蜒

水鷄 黑白灰絳雜文短尾喙長二寸餘比鷄小

水鴨 其象與脚與尾有類家鴨凡五種一喙脚皆黑頭絳色襟可綠黑文腹白背成黑白細文翅色灰間以綠白黑數色羽極可

水鴨 綠黑文腹白背成黑白細文翅色灰間以綠白黑數色羽極可

水鴨 綠黑文腹白背成黑白細文翅色灰間以綠白黑數色羽極可

賞翫一種喙黃脚紅身作黑白黃淡花文翅灰黑色中有藍白
綠三種一種喙黑脚紅頭綠脚胸白腹絳脊翅尾兼有青綠白
黑灰藍數色一種色淺黑翅有深白文頸有細黃文腹白一種
色白頭及翅有黑文數者蓋鳧
鷗之類今俱呼曰水鴨

王雉

即魚鷹灰色頂黑尾白嘴尖長常翺翔水上
扇翅窺魚多聲飛則翅折而長有似蝙蝠

戴勝

起若勝俗號勝鵠其鳴曰胡胡
即鷓鴣灰色尾白而有黑文多聲

斑鳩

其鳴曰虎故性拙不能為巢
即鷓鴣與斑鳩相類而尾黑無白

布穀

亦多聲雖夜猶鳴其鳴曰撥穀

鶉鴒

家野有二種
色有灰有白

鷓鴣

周頸下有黑文如環身兩旁復有黑白文
即山鷓鴣絳色短尾眼眶及嘴足並赤白眼際

乾鵲

轉為以鵲俗

葭縣志

卷二物產

四十六

林榆東順齋石印

雉

即野鷄雄者毛
色如錦可觀

鴛鴦

頭藍尾白腹甚大黃赤色背則黑
亦有蒼者其鳴若云鴛鴦然

鴛鴦

即斲木頭背黑白相雜腹下赤近尾色
黃尾短口如錐長寸許常斲樹食蟲

燕

凡三種一種巢人屋深黑色腹白頸下有絳色如錢狀俗呼家
燕一種巢石岩中淺黑色而雌雄又異一喙之上下獨白一
當背中有絳文俗呼曰石燕胡燕也又一種於水涯穿土窟

居之淺黑色兩翅間有絳文
腹下及前後皆白俗呼沙燕

鶉

即鴛鴦與鶉相
似而無斑

瓦雀

穿屋者

天鷄

色如土頭上毛角若冠夜將曙則
有聲善鳴之鳥俗呼蒿雀恐未是

紅雀

有黑黃而禿頭頸間色灰身則紅翅尾
有黑白文善鳴之鳥入夜猶有聲

黃雀

有二種一種大若紅雀淡黃色一種尾極長而雌雄又異雄者
背深黑而尾黃雌者背灰而尾黃俗謂之為黃布帚

白雀 雌雄二色 一身白背翅或呼色灰一頭及身皆白脊

水雀 凡六種 一種白翅兩旁亦微白胸亦黑一淡黑身白一種頂與脊翅深

頭背蒼色尾末黑近尾則白頭項亦白一頭黃一頭黑全體灰黑色

獸屬

牛 二種 黑者俗號山羊亦容有白者 馬 驢 馬 互配 驢

羊 俗號綿羊又山羊亦容有白者 犬 三種 貓 有從邊外來

豬 犬 三種 貓 有從邊外來 獺 黑餘則黃俗號呼黃腰也又一種蒼質有黃文

狸 耳目似鼠 狐 皆長足前短於後其首尾及尾色

獺 能入水捕 兔 家野二種 家畜 獾 蒼色頭有白

魚 食之 者黑白二色 獾 蒼色頭有白

葭縣志 卷二 物產四十七 榆東順齋石印

地猴 俗云艾猴黃色長尾能捕 鼯鼠 即田鼠居隴畔

音鼠 即者鼠 鼯鼠 如音鼠而尾黃

鼯鼠 俗言會鼠無目 鼯鼠 如音鼠而尾黃

吉靈鼠 蒼質白文尾長走甚 鼯鼠 如音鼠而尾黃

碩鼠 號兔鼠 鼯鼠 如音鼠而尾黃

蝙蝠 形似鼠灰黑色有薄肉翅連 鼯鼠 如音鼠而尾黃

蟲屬

蛇 蝮 即龜似蝦 蝮 即曲 蝦 蟆

蟾 蟾 即龜似蝦 蝮 即曲 蝦 蟆

蜥 蜥 居草間俗號蛇鼠 蝮 即曲 蝦 蟆

蜥 蜥 居草間俗號蛇鼠 蝮 即曲 蝦 蟆

浮游 即渠畧身長狹而長夏月雨後輒生俗呼龍蟲

齋糟 生真木中 蝸蟻 木中

常羊 青色大腹長角 蝗 似蟋而大青色

蟋 似蝗而小倉色善跳俗呼必君或亦蛸蝨之訛

沙雞 翅有二重外翅類蟋內翅若羣而赤文能遠飛索索作聲俗呼荻麥翅

蝻 即春麥五月中以股相切作聲 編擔蟲 其身細長青色亦跳亦飛

品字蟲 頭有三角東西回旋身青色 蜘蛛 數種 螻 四足

蚰蟥 即鼠婦有十四足俗名鞋底蟲

蝸牛 即蝸贏白色頭有兩角行則殼負背上驚則首尾俱藏入殼中俗曰水牛

蛱蝶 蝶即翅 蛾 數種

葭州志

卷四

物產

四十八

榆東順齋石印

蜻蛉 六足四翼好游水際有藍蒼黃三色俗號水師婆

長舌蟲 近尾有絨毛二角四足四翼翼上灰色下色黃口中舌長盈寸如黑縷而捲

蛾 八月九月飛繞室中忽去忽來鳴聲不絕俗呼瓠瓜

赤綠 蟲身半綠半赤 冬 數種

樗雞 即紅娘子生樗樹上微頭黃腹腹間三黑畫整齊如乾卦翅比二重上翅灰色有黑點下翅若扇近中色赤雜以黑點兩

旁色黑中隔以藍俗稱樗媳

蟋蟀 即促織有角翅黑色如漆善鳴俗訛稱曰秋蟬

螢 即宵 小綠蟲 身長似螢綠色可翫有翼

蠅 數種 壁魚 即蠹魚尾有二毫若介字好居衣書中

蝟 色灰背上積物 水馬 長足游行水際能逆高起負之而行 流而上甚駛亦善跳

蚍蜉 即馬蟻有數種

跳八丈 身長三分能平地躍起

蚤

石蟲 生大石中長寸餘色赤甚光澤能治噎病不可常得

鱗屬

鯉 鱗有金光左右各一行形如縷著衣物上亦號石花魚

魚 即鮎魚偃額兩目上陳巨口無鱗

鯿 長者尺許形圓而狹已上俱出黃河

鼈 卵生形圓脊穹四周有裙其肉可食滋陰

礦物類

石炭 縣北開光牛園溝黃家溝車兜會之木瓜樹茆等處產量無多

鹽 縣北梨兒坨袁家溝等村出小鹽產額極少僅供數村之用

鹵 濱河之民取鹵土漉汁熬之成鹵能去垢名曰土鹵

葭縣志

卷四

物產

四十九

榆東順齋石印

製造品

豬火腿

油

酒

飴糖

絲

紙 出峪口

蓆

毡

黑磁 出安石產底

磚瓦

煙葉 大小二種

草帽 出南鄉



